

Bosna i Hercegovina  
Federacija Bosne i Hercegovine  
Kanton Sarajevo  
Općina Ilijaš  
OPĆINSKI NAČELNIK



Bosnia and Hercegovina  
Federation of Bosnia and Hercegovina  
Sarajevo Canton  
Municipality Ilijas  
MUNICIPALITY MAJOR

Služba za prostorno uređenje i stambeno-komunalne poslove

## OPĆINSKO VIJEĆE ILIJAŠ

### ODGOVORI NA VIJEĆNIČKA PITANJA I INICIJATIVE SA OSAMNAESTE SJEDNICE OPĆINSKOG VIJEĆA ILIJAŠ ODRŽANE DANA 29.4.2014.GODINE

Ilijaš: Maj 2014.godine

## **SELVER HERIĆ – vijećnik SDP-a**

Pitanje:

1. Tražim od nadležne službe da mi za prošlu godinu i za svaki mjesec ove godine, dostavi koliko ko, po rješenju, ima pravo koristiti ulicu 126. Ilijaške brigade (glavnu) i koliko ko koristi i koliko plaća za istu. Svjedoci smo da je prilično ista ulica uzurpirana od strane ugostiteljskih i drugih objekata i mislim da bi komunalni inspektor trabao ući u srž ovog problema, ako ga ima. Vijećnici SDP-a nemaju ništa protiv zauzimanja prostora, ali smo za to da se korištenje istih adekvatno plati, jer ta ulica treba pomoći općini za vraćanje kredita koji iznosi 1 milion KM.

## **MUHAMED HANDŽIĆ- Vijećnik BPS-Sefer Halilović**

Pitanje:

1. Za koliko se mjeseci u godini plaća zakupnina za ljetne bašte u Ilijašu koje koriste vlasnici ugostiteljskih i drugih objekata?

Zahtijevam da se za sljedeću sjednicu OV-a pripremi izvještaji od strane nadležne službe, a koji će sadržavati sljedeće:

- ime i prezime zakupca,
  - površinu koju koristi u kvadratnim metrima
  - ukupan iznos zakupnine za prošlu godinu u KM po zakupcu
- Obrazloženje: Prema informacijama sa kojima raspolazem, te zakupnine se plaćaju samo za sedmi, osmi i deveti mjesec u godini, te da zakupci koriste znatno veću površinu od zakupljene, što bi bila nadležnost komunalnog inspektora da to dovede u red.

## **Odgovor:**

Pošto se pitanja vijećnika Selvera Herića i Muhameda Handžića odnose na istu pravnu oblast na ista ćemo dati jedan odgovor.

Pitanje privremenog korišćenja javnih površina na području Kantona Sarajevo uređeno je Zakonom o privremenom korišćenju javnih površina na području Kantona Sarajevo ("Službene novine Kantona Sarajevo, broj: 20/04, 26/12 i 32/12-Ispravka).

Pitanje naknade na području Opštine Ilijaš uređeno je Odlukom o privremenom korišćenju javnih površina na području Opštine Ilijaš ("Službene novine Kantona Sarajevo", broj:14/09). Ulica 126. Ilijaške brigade po postojećoj odluci pripada prvoj poslovnoj zoni.

Visina naknade za privremeno korišćenje zavisi od namjene za koju se koristi.

U ovoj ulici odnosno u dijelu od raskrsnice sa Ulicom Bogumilska do raskrsnice sa Ulicom Hašima Spahića uglavnom se koristi za postavljanje ljetnjih bašti, ili za izlaganje robe za prodaju. Mjesečna visina naknade za postavljanje ljetnjih bašti ispred ugostiteljskih radnji i stalaka za izlaganje robe za prodaju u ovoj ulici je 5,00 KM/m<sup>2</sup>

Postupak utvrđivanja obaveze plaćanja naknade za privremeno korišćenje javnih površina pokreće se po zahtjevu zainteresovanog lica, ili po službenoj dužnosti.

Javne površine mogu se koristiti u toku cijele godine i u površini koju korisnik želi koristiti ukoliko prostorne mogućnosti to dozvoljavaju.

Svako rješenje Služba dostavlja se komunalnom inspektoru Opštine Ilijaš.

U 2013. godini u ul. 126 Ilijaške brigade-pješačka zona Centar Ilijaš javne površine privremeno su koristili, a time i plaćali naknadu sljedeća lica:

1. "Lišćevica-promet" d.o.o. Restoran "Fontana" 40,00 m<sup>2</sup>, 01.07-30.09.2013. godine, mjesečna naknada 200 KM,

2. Ameti Ismet, slastičarnica "Zambak" 60,00 m2, 01.07-15.10.2013. godine, mjesečna naknada 300KM,
3. Hodžić Mehdiya, Picerija "Mehdijano1." 60,00 m2, 01.07.-15.10.2013. godine, mjesečna naknada 300,00KM,
4. Goralija Alen SUR "Čokolada" 54,00 m2, 01.07.-20.10.2013. godine, mjesečna naknada 270,00KM
5. Mašić Elmir 25,00 m2, 01.07.-15.10.2013. godine, mjesečna naknada 125,00KM,
6. BĐ Company d.o.o. Slastičarnica "Bosna" 70,00 m2, 01.07.-20.10.2013. godine, mjesečna naknada 350,00KM,
7. Abdukić Dalila Caffe-bar "Milano" 20,00 m2, 01.07.-15.10. 2013. godine, mjesečna naknada 100,00KM,
8. Ljubijankić Mirsad /"H-H" d.o.o./ Caffe-bar "Altona" 24,00 m2 , 01.07-20.10.2013. godine, mjesečna naknada 125,00KM i
9. Krasnić Ljuan Čevabdžinica "Sajo", 25,00 m2, 01.07.-20.10.2013. godine, mjesečna naknada 125,00KM.

Naknada ispod nastrešica ispred ugostiteljskih i trgovinskih radnji se nenaplaćuje.

Svi korisnici počeli su plaćati naknadu za privremeno korišćenje javne površine počevši od 01. jula 2013. godine. Do tada su tekli poslovi odnosno radovi na pretvaranju ovog dijela ulice u trajnu pješačku zonu.

Prema rješenjima iz ranijih godina naknadu na ime privremenog korišćenja javne površine i u 2013. godini koristili su sljedeći korisnici:

1. Kolašinac Faruk, Ul. Bosanski put, bb, 41,00 m2, mjesečna naknada 205,00 KM,
2. Hamza Alija, Ul. Bosanski put, bb, 26,80 m2, mjesečna naknada 134,00 KM,
3. Halilović Mirsad, Ul. 126. Ilijaške brigade, bb, 15,00 m2, mjesečna naknada 75,00 KM,
4. Šehić Enver ul. 126 Ilijaške brigade (Banovac) 45,0m2, mjesečna naknada 225,0KM.
4. Goralija Mihret, Ul. Bosanski put, bb, 17,50 m2, mjesečna naknada 87,50 KM,
5. Gobeljić Šemso, Ul. 126. Ilijaške brigade, bb, 32,00 m2, mjesečna naknada 160,00 KM,
6. Fazlić Emir, Ul. 126. Ilijaške brigade, bb, 40,00 m2, mjesečna naknada 200,00 KM,
7. Durak Enes, ul. Bosanski put, bb, 40,00 m2, mjesečna naknada 200,00 KM,
8. BP "MEROL" d.o.o. Podlugovi 195,00 m2, mjesečna naknada 156,00 KM,
9. Hodžić Asmin Podlugovi, 43,00 m2, mjesečna naknada 172,00 KM,
10. Grbo Sead, Ul. Bosanski put, bb, 15,50 m2, mjesečna naknada 62,00 m2,
11. Lišćevica promet" d.o.o. Podlugovi, 440,00 m2, mjesečna naknada 352,00 KM
12. Beriša Hašim, Ul. Bosanski put, bb, 14,00 m2, mjesečna naknada 70,00 KM,
13. "DŽ i R" Ul. Bogumilska, bb, 20,70 m2, mjesečna naknada 103,50 KM,
14. Trebinjac Emin, Ul. Bosanski put, bb, 21,00 m2, mjesečna naknada 105,00 KM,

Određeni broj lica, od navedenih korisnika, Pravobranilaštvo Kantona Sarajevo, koje za Opštinu Ilijaš vrši poslove pravobranilaštva, bilo je prinuđeno tužiti radi prinudne naplate prispjelih, a nenaplaćenih obaveza /potraživanja/.

U dosadašnjem toku 2014. godine doneseno su sljedeća rješenja kojima je utvrđena obaveza plaćanja naknade:

1. Ameti Ismet, slastičarnica "Zambak" 60,00 m2, 01.05-15.10.2014. godine, iznos 1650,00KM, plaćanje u dvije jednake rate
2. Hodžić Mehdiya, Picerija "Mehdijano1." 54,00 m2, 01.05.-31.05.2014. godine, iznos od 180,0KM, plaćanje u dvije rate,
3. Goralija Alen SUR "Čokolada" 30,00 m2, mjesečna naknada 150KM, zahtjev pokrenut po službenoj dužnosti 01.05. 2014. i trajat će dok se koristi javna površina.

126. Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669, 033-580-672



4. BĐ Company d.o.o. Slastičarnica "Bosna" 70,00 m2, 01.05.-15.10.2014. godine, iznos 1925 KM, plaćanje u dvije rate,  
5. Abdukić Dalila Caffè-bar "Milano" 20,00 m2, mjesečna naknada 100,00 KM, zahtjev pokrenut po službenoj dužnosti 01.05. 2014. i trajat će dok se koristi javna površina.  
6. Fazlić Adnan ugostiteljska radnja "Survivor" 20,00 m2, mjesečna naknada 100,00 KM zahtjev pokrenut po službenoj dužnosti 01.05. 2014. i trajat će dok se koristi javna površina.  
7. Krasnići Ljuran Čevabdžinica "Sajo", 25,00 m2, mjesečna naknada 125 KM, zahtjev pokrenut po službenoj dužnosti 01.05. 2014. i trajat će dok se koristi javna površina.  
Po službenoj dužnosti pokrenut je zahtjev za korištenje javne površine trgovinske radnje "Han", izvan nastrešnice čija obrada je u toku i ugostiteljskog objekta Fontana koji je u toku. Obaveza plaćanja za sve zahtjeve pokrenute po službenoj dužnosti teče od 01. maja 2014. godine. Do kada će koji korisnik privremeno koristiti javnu površinu zavisi od korisnika javne površine.

Povodom 8. marta međunarodnog dana žena po jedan dan, radi prodaje cvijeća, javnu površinu koristila su slijedeća lica: Džafić Amina, Džinić Semir, Ibrišimović Ibri, Ilić Vlatko, Šarić Kenan i Zerdo Lejla, a dva dana Zerdo Nermina. Svi oni uplatili su po 20,00 KM, a Zerdo Nermina 40,00 KM.

Nadzor nad provođenjem odredbi Zakona o privremenom korišćenju javnih površina na području Kantona Sarajevo ("Službene novine Kantona Sarajevo, broj: 20/04, 26/12 i 32/12-Ispravka) vrši Ministarstvo.

U članu 29 navedenog zakona je definisano da Poslove inspekcijskog nadzora u oblasti urbanizma i građenja vrši općinska urbanističko građevinska inspekcija, a u oblasti komunalnih poslova nadležna komunalna inspekcija. Međutim u članu 24. stav (4) jasno je definisano da Ako korisnici javnih površina ne postupe u skladu sa odredbama st. 1. i 2. ovog člana, općinska urbanističko-građevinska inspekcija, odnosno komunalna inspekcija Kantona (u daljem tekstu: komunalna inspekcija) provest će postupak prinudnog uklanjanja postavljenih sadržaja na javnoj površini.

Članom 23. Odluke o privremenom korišćenju javnih površina na području Općine Ilijaš ("Službene novine Kantona Sarajevo, broj: 14/09) je definisano da Nadzor nad primjenom odredaba ove Odluke vrši komunalni i urbanističko-građevinski inspektor Općine Ilijaš, svaki u okviru svoje nadležnosti.

### **SAUDIN DURMIĆ – vijećnik SDA**

Pitanje: "Kada će biti riješen problem elektro snadbijevanja na području Starog Ilijaša, konkretno Karaule? Da li je pomenuto pitanje tretirano kroz operativni plan Elektro distribucije Sarajevo? U narednom periodu ovaj problem treba biti prioritet u rješavanje. Naime, niskonaponska mreža u ovom području je katastrofalna, opasna i dotrajala, a građani imaju problem nedovoljnog napona".

Odgovor:

Pitanje nije tretirano u Planu ulaganja u elektroenergetske objekte za 2014. godinu na području općine Ilijaš koje je uradila Podružnica "Elektro distribucije" Sarajevo. Ovaj Plan je sastavni dio Operativnog plana Općinskog Načelnika i Službi općine Ilijaš za period 01.01.-31.12.2014. godine, koji je prošao proceduru usvajanja, a isti dostavljen svim vijećnicima.

126. Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669, 033-580-672



### **MUHAMED HANDŽIĆ – vijećnik BPS-Sefer Halilović**

Pitanje: "Zašto nisam dobio odgovor na pitanje koje sam postavio na prošloj sjednici OV-a, a koje se odnosilo na izgradnju kafanske pozornice u parku na Banovcu, narušavajući Regulacioni plan grada Ilijaša i uništavajući zelenilo i parkovske sadržaje. Obrazloženje: Moje pitanje se odnosilo na prostor koji je uzurpiran od strane vlasnika ugostiteljskog objekta "Mistik" u svrhu tzv. ljetne bašte, koja po svom izgledu najmanje liči na baštu, a sve više na građevinu. U tom smislu zahtijevam od načelnika općine Ilijaš i njegove nadležne službe da ovaj slučaj do kraja riješe, a u skladu sa Zakonom o korištenju javnih površina, te da o tome izvjestite ovo Općinsko vijeće. U prilogu: dopis stanara Banovca".

Odgovor:

Odgovor sadržan u odgovoru " realizacija zaključaka" kojim je tretiran i objekat i ljetnja bašta. Realizacija zaključaka usvojena od strane OV na sjednici koja je održana 29.04.2014 godine.

### **SELMA PUŠINA- Vijećnica SDA**

Pitanje: "Da li se bilo šta uradilo po inicijativi koja je pokrenuta prošle godine odmah po završetku šetališta, a tiče se postavljanja saobraćajnog znaka zabrane za bicikla?"

Odgovor:

U toku je procedura odabira ponuđača koji će isporučiti i ugraditi saobraćajnu signalizaciju.

Inicijativa: "Inicijativu upućujem Kantonalnoj Direkciji za ceste, a odnosi se na postavljanje usporivača saobraćaja u Mjesnoj zajednici Misoča, pored osnovne škole, te u Mjesnoj zajednici Mrakovo u blizini autobusnog stajališta, a sve u cilju sigurnosti pješaka, a posebno učenika".

Odgovor: Inicijativa je dostavljena Direkciji za ceste Kantona Sarajevo.

### **FAHIR HASANOVIĆ – vijećnik SDA**

Inicijative: "Tražim da se na područje MZ Dragoradi – Podlipnik uputi komunalni općinski inspektor, kantonalna veterinarska inspekcija, poljoprivredna inspekcija i inspekcija za zaštitu okoliša, a razlog je što na to područje svake godine dolaze velika stada ovaca, a građani sumnjaju da imaju adekvatnu dokumentaciju, kako zdravstvenu, tako i o ostalu koja je potrebna".

Odgovor:

Inicijativa je prihvatljiva. U obrazloženju inicijative nije jasno definisano dali se na terenu trenutno nalaze stada ovaca, ili ne. Veterinarska inspekcij Kantona Sarajevo je nadležna za provjeru dokumenata o zdravstvenom stanja životinja a poljoprivredna inspekcija za uslove u kojima se drže životinje.

### **BESIM GLJIVA – vijećnik Stranke za Srednje**

Inicijativa: "Pokrećem inicijativu da se iskoristi trenutačna mogućnost priključka struje porodici Mirsada Žigića koja je trenutno najugroženija porodica na području Općine Ilijaš i već dvanaest godina živi bez struje, vode, puta i svih drugih osnovnih uslova za život dostojan čovjeka. Potrebno je da općina plati priključak struje navedenoj porodici.

Odgovor: Na samoj sjednici dat je odgovor u obraćanju Općinskog Načelnika.

**AKIF BEŠLIJA – vijećnik SBB-a**

Pitanje: "Postavljam pitanje načelniku općine i općinskom organu da mi odgovore u čijoj su nadležnosti lokalni putevi na općini Ilijaš i ko može dozvoliti izvođenje radova na istim, a tiče se prokopavanja i postavljanja fizičkih zapreka.

Obrazloženje: Na lokalnim putevima općine, Kantonalna uprava za šumarstvo-odjeljenje Ilijaš, vrši oštećenja na lokalnim putevima, prokopavaju i postavljaju zapreke i time onemogućavaju aktivnosti građana na privatnim posjedima. Takođe, ovo pitanje sam postavio na prethodnoj sjednici Vijeća i dobio sam odgovor od Kantonalnog ministarstva privrede Sarajevo sa kojim nisam zadovoljan i pitanje nije glasilo na pomenuto ministarstvo".

Odgovor:

Lokalni putevi na području općine Ilijaš nisu u isključivoj nadležnosti Općine. Postoje šumski putevi koji su građeni za potrebe eksploatacije šuma i vode se kao osnovna sredstva preduzeća koja gazduju šumama.

Inicijativa: "Pokrećem inicijativu da nadležna općinska služba i nadležna Direkcija za ceste izađu u Mjesnu zajednicu Mrakovo i odrede mjesta za autobuska stajališta na putu Ilijaš-Mrakovo-Popovići, a potom i postave znakove.

Obrazloženje: Na pomenutom putu nema obilježenih autobuskih stajališta tako da građani koji koriste prevoz ne znaju gdje su obaveze vozača autobusa da staju".

Odgovor: Inicijativa je dostavljena Direkciji za ceste Kantona Sarajevo.

**RASIM ŠEHIĆ – vijećnik SDA**

Inicijativa: "Da se u naselju Borak na Nišićima postave dva kontejnera za odvoz otpada.

Obrazloženje: Mještani i vlasnici vikend objekata koji naseljavaju ovo mjesto (cca 300 kuća i vikend objekata) su poslali zahtjev u kojem su izrazili želju da im se postave kontejneri za koje će plaćati komunalnu taksu".

Mišljenje o inicijativi:

Inicijativa je dostavljena K.J.K.P. "Rad" Sarajevo R.J. "Ilijaš" i nakon što dobijemo mišljenje ili odgovor o tome ćemo upoznati vijećnika Šehić Rasima.

**DAMIR FILIPOVIĆ – vijećnik SDP-a**

Inicijativa: "Da se postavi klupa u šetnici kod šahovskog polja radi potreba penzionera".

Odgovor:

Urbani inventar na ulici je postavljen na osnovu projektne dokumentacije.

Slobodnostojeće klupe glavnim projektom ulice 126 Ilijaška brigada nisu planirane.

Inicijativa: "Upućujem inicijativu prema određenim uposlenicima da svoje radne obaveze odgovorno izvršavaju, te da svoj nerad i greške ne adresiraju na mene, jer od toga Vas glava može zaboljeti (Služba za prostorno uređenje i stambeno-komunalne poslove i Služba za boračko-invalidsku zaštitu, socijalnu zaštitu i raseljena lica)".

Odgovor:

Vaše činjenice navedene kroz inicijativu nisu nam poznate, te stoga molimo uvaženog predsjedavajućeg OV Ilijaš gosp. Filipović Damira da navede ime i prezime namještenika, ili državnog službenika i posao koji nije urađen, kao i greške koje su načinjene u obavljanju zadatah poslova, kako bih nerad poboljšali, a greške, ako je moguće ispravili.

Služba za prostorno uređenje  
i stambeno komunalne poslove

126.Ilijaške brigade 6. tel: centrala (+387 33) 580-620

Centar za dozvole: 033-580-664

Odsjek za prostorno: 033-580-663, fax: 033-580-670

Odsjek za stambeno komunalne poslove: 033-580-669,033-580-672

